


359  
94



武  
359

吐法編序



蓋人以性言之一理渾然  
無有分闕以氣言之有  
別者亦不可貫之也

故、疾、病、之、未、離、而、聖、賢  
 所、名、免、也、然、名、以、刀、直  
 之、漸、而、除、却、之、患、其  
 注、立、之、也、謂、吐、汗、下、是

也、私、語、近、世、諸、醫、能  
 有、知、汗、之、注、者、最、精  
 吐、注、在、實、之、亦、鮮、也  
 順、兒、秋、子、元、者、相、得

欽定五卷一日體及清

子元曰嘗著以法編

已梓行藏干家多請

卒業之文易曉之

其窮焉熟顧子元

吾潛心干道未嘗不


一念在起廢救活又

足心兒至深州坦授

壽之仁者此壽也實  
 壽之仁者此壽也實  
 壽之仁者此壽也實  
 壽之仁者此壽也實  
 壽之仁者此壽也實  
 壽之仁者此壽也實  
 壽之仁者此壽也實  
 壽之仁者此壽也實

見明福送乃好送云  
 子成卷端云尔  
 永和甲申十月辛卯  
 李之原北平大常少卿

大中法苑珠林



Faint bleed-through text from the reverse side of the page, including the characters '法苑珠林'.

題

如秋子元吐法編後

肉經曰有故無損吐汗下三法是也若病氣實而元氣虛者先攻其病則元氣自旺保之常中古以來世之醫者但以意見各主小奇正之論不知通反

四清錄 李後序 一 台州國藏版

之術余常病之今覽此  
新君吐法編一卷條釋亦類辨  
正疑謬深得河間戴人一旨之奧  
有甚有故於來世之藥山豈其  
微哉嗚呼良工之用心可謂至矣  
行到太和社此而至遂書尾以  
歸之

歲甲申四月小華副司勇

李佐國聖甫慕菴題



上卷編

李後序

二

台州國藏版

吐瀉編凡例五則  
一 是書通篇吐有稱越者有稱達者有湧泄併  
稱者並雖異稱其實一也從文句換稱耳名  
義詳見辨名篇中  
一 證治篇中有則某則某某則某書某曰者如  
四物瓜蒂散張子和用藜葉汁今用乾藜葉  
以便當用本不用豆豉今用之以輔其湧稱  
量服度亦有多少異如胸上結實證治孫思  
邈曰撩膈湯治心上結痰實寒冷心悶今瀉  
思邈以瓜蒂散治下項云云證類不得謂某

吐瀉編凡例五則

一 是書通篇吐有稱越者有稱達者有湧泄併  
稱者並雖異稱其實一也從文句換稱耳名  
義詳見辨名篇中  
一 證治篇中有則某則某某則某書某曰者如  
四物瓜蒂散張子和用藜葉汁今用乾藜葉  
以便當用本不用豆豉今用之以輔其湧稱  
量服度亦有多少異如胸上結實證治孫思  
邈曰撩膈湯治心上結痰實寒冷心悶今瀉  
思邈以瓜蒂散治下項云云證類不得謂某



曰皆稱則某如茶實散孫思邈用茶芽常用  
之不吐故今從吳崐代用茶實取證思邈取  
物吳崐不得謂則一人稱則某某如常山湯  
外臺諸家用以吐諸瘡類方亦許多不遑殫  
載纔簡二方以治下項證不得謂則一家漫  
稱則某書如張仲景貪食證之類原文直舉  
者冠稱某曰又如仲景宿食病推川熱病有  
覆於此而發於彼接續方明者擇舉為一文  
復謂某曰通篇靡不則古人而私自恣者也  
但擇其善者而從之而已

一稱量多以己意斟酌總用 國朝度量為

其便當用也如張仲景瓜蒂枝子湯等以今  
推之稱量服度概合今日而其末生絲忽今  
舉其大數而小數畧之稱幾分幾撮強弱雖  
其不毫舉之無損益於治也

一諸陳久病胸上有惡毒者胸下未無餘孽也  
故服湧劑之後不為汗下調理之焉能全其  
功乎然其證不一不得預為備方執七劑者  
審辨

一通篇不事文章欲語易解而事得理會也能

文士其勿笑焉

寶曆壬午冬十月既望

門人 周防 吉蘭筆授



吐瀉編

台州園隨筆之一

日本 方廣王府儒醫北陸荻凱 著

疾醫養疾病有三瀆焉曰吐曰下曰汗是也內經曰  
 高者因而越之而下者引而竭之在皮者汗而發之若  
 此則病無所居而惡無絲留也治瀆於是備矣兩漢  
 之時瀆方仍存焉抵於晉唐服餌稍行俗嫌汗下畏  
 湧泄葛洪孫思邈之徒遂以神丹玉液鑄之心其至甚  
 者稱延季黥淺者倡辟穀而爾後舍攻擊執補瀆古  
 道凜醇胎胚於斯然猶有遺傳存焉間見其真而後  
 宋陳文仲元李杲之徒巧察人情好主張溫補以排

吐汗下要之其說甘溫以補腸胃則疾病自辟於是乎知不知皆吠其聲天下嘈然和之論汗下者不售道湧泄者霍然無蹤矣其蔽也至今為益甚矣古道於斯殆乎廢也中其際金張子和氏者憤厲於此繼絕興廢首倡湧泄獨振反目之戈雖先登麾呼然無隨而登雖其書存不莽則誕能讀者鮮矣是以湧瀉之闕典醫事之蕩滅既六百有餘歲矣吾

國運隆洽人材之陶毓越前人藤良筑氏出焉慨然有迴倒狂瀾之志乃抽棟梁材槁子和而溯古道焦覃二載許乃究其淵源其所施出子和氏右能

達百膏疾蓋千百季一人也曩季余得見事之存肆有日久之畧探其隱蹟為人為病的然奏其效亦不為不多也夫當越而不越反竭若發若溫補之是猶方枘圓鑿必不相容萬矣吐汗下之於疾不壹而足習俗染李朱之汚弗肯攻擊而樂溫補屑越湧泄者是自取殃也然而五十季來執七劑之士雖間有學古方以汗下是行者而於湧泄益索如也苟志古道者其舍諸作吐瀉編

辨名

蓋物同事同而所名稱異者世多有焉古今稱吐亦

然是不可不辨也。內經曰：濕在上者以苦吐之，難經曰：上部有脈，下部無脈，其人當吐，不吐者死。玉函方曰：上盛不止吐，而奪之之類，皆直稱吐者也。內經曰：高者因而越之。王大僕曰：越謂越揚，即吐之也。內經曰：木鬱達之。王大僕曰：達言吐之。今其條達左傳曰：攻之不可達之不及，藥不至焉。攻之言下之達之言吐之，即條達之達言雖吐下之藥物不至其處也。杜元凱以達為鍼，未知醫事也。葛洪王燾亦以為鍼者為杜預所註誤。內經曰：酸苦湧泄。又曰：金鬱泄之湧湧而上出之，是謂吐也。泄亦吐也。小顏注：漢書曰：泄

吐也。音弋制，翻月令曰：季春之月，陽氣發，泄揚雄方言曰：泄，歇也。楚揚謂之歇，皆謂發出於上也。張長沙瓜蒂散，其味酸苦，獨為吐設，而不言包下泄之不為下益白也。金鬱蓋肺鬱其為疾，大抵咳逆喘嗽水飲之所鍾，而藏氣處高，薄近喉，噎澀吐之為順，下之則逆。李頌湖曰：有燥熱傷肺，金氣臆鬱，竅閉于上而膀胱閉于下，為小便不利之證。以外麻之類探而吐之，上竅通而脩自利，乃金鬱泄之之誼也。王大僕以下皆以下利解之，未見以發揚訓者。如張子和有湧癰復亦妄言吐中有下，以謬解湧泄。夫服諸湯劑味濃

則下豈翅湧劑之然乎饒使其下素非劑本性乃雖  
 下萬寡固云損益於疾未足以謂之下也內經曰因  
 其輕而揚之王大僕曰輕者發揚則邪去蓋亦謂吐  
 也子和以為吐汗者近是又曰病在下取之上醫說  
 載丁志曰毒物在上膈則取之其瀉用湧劑則取亦  
 吐也言吐而取其毒也史記大倉公療螻瘕飲以芫  
 花一撮出螻可數升出吐也蓋是螻蟲攻心刺痛  
 之證故其文曰病甚上膈黃麕外臺則用鹽湯且芫  
 花能令吐蟲是以知出吐出也自六朝來始謂十劑  
 中有宣劑徐之才諸人皆以為通為瀉張子和獨以

為湧劑云宣者升而上也取義於以君召臣曰宣也  
 此其不同亦可以觀矣

論越

越者湧邪鬱高也蓋邪之鬱高也溫補固勿論已下  
 之不可汗之不及則非湧何適也故岐伯曰高者因  
 而越之又曰木鬱達之醫緩曰達之不及扁鵲曰當  
 吐不吐者死張機曰大瀉春宜吐又曰胸上諸實此  
 可吐之讀華佗傳彼亦明檢式善用湧瀉後世言湧  
 必祖華佗惜哉其書今亡矣若此數人皆古之良醫  
 而於吐不忽亦可知也趙宋以還陳劉李朱之徒趨

時當務為急力詆古道建立新瀆以強合人心於是醫方土崩湧瀆拂地沈痾重疾當湧之證竟曾不瘳金張子和自千載之下遠接趾於華佗將明瀆方湧泄更振其功亦偉矣然曰吐汗下齊行無乃有害於瀆吐自吐汗自汗下自下從鬱之所在而各施之耳若不可汗而汗則邪氣激而王矣若不可下而下則邪氣辟而宛矣安得謂三瀆齊行乎其當湧時欲燠熱室子和以為便取易汗是亦非是則欲籍其炎上之氣使其易湧也仲景所謂春宜吐此以其氣外發也子和建言偶失之耳雖則失之猶之乎瑾瑜之微

瑕已固莫損於瑩六百歲之後我藤良統氏出矣其術不讓於子和焉其華枯肉骨比比焉然而瀆律不立瀆律不立則雖可乎可口而蓋心未有所自得也亦子和疇也余雖不敏本其所慣習則古遺簡瀆方遺諸將來耳元化復生則必解頤乎余者耶  
辨蔽

澆世之俗履水湧泄而畏何也非其心實知湧之可畏而不肯服也以目不恒擊泛疑之耳若夫眩李朱而重糈食技藝者雖耳聞之雖口言之未嘗窺其門牆心實畏之乘其所疑從而謁讒胖飾已技是以益信

溫補彌畏湧泄庸工者鼓舞而成之遂使民習成俗  
焉湧泄之廢職之由至乃如醒酒宿食霍亂中暈及  
初生芽兒與甘連湯即不湧不安若夫藤氏鄉人靡  
一難湧者其所以舉樂而就治於其門也然獨湧瀆憚  
之何也夫灸焮火其皮膚者也鍼砭鋒其藏府者也  
然恬而不疑是則以人恒目擊與不擊也繇是觀此  
今之執七劑者如咸克己復古縣乎湧瀆錯之天下  
誰復疑之為舉樂更成俗焉嗚呼嘻使湧瀆廢者庸  
工也非俗也彼徒巧邪說文空言以欺惑眾愚疑塞  
古道嗶嗶喁喁阿其所好是以沈疴不起常疾不瘳

然猶不省惡難就易奚為眾目是寄不能自發一識  
也蓋道溫補者薦擢之執攻擊者排黜之蔽乎舊染  
而誤百季之軀惡不自愛之甚矣古往有張華矣而  
不道溫補近世有李朱矣而不道湧泄李朱與張華  
孰良其論黑白今舍其良者而就不良者不亦戾乎  
湧瀆可畏而廢乎則輕病剝剝證死矣猶旱苗之遇  
雨則勃然興不遇即槁若病輕湧重猶助苗長者也  
豈可不慎乎甚矣哉湧瀆於湧證有似為非妄眩病  
家遠湧泄之者也能審其所在精其輕重較古量今  
參彼伍此廣宣遺傳建制矩矱其決可湧而湧之爾

若此而行之雖欲百失一可得哉夫畏者生於疑也  
使扁鵲而在如之何其使疑之者誰乎噫

瓜蒂

瓜蒂者湧劑之聖者也諸湧證輕重瓜蒂什領八九  
他藥居其二夫中巨邪大賊蕩滌其膈衝潰其堅湧  
其宿辟報其功績非恃賴此物而莫至乎此瓜蒂之  
力亦大矣哉是以仲景以之湧風寒中暈諸黃宿食  
稚川以之湧痰瘀血胸痛宮泰以之湧欬嗽頭痛思邈  
以之湧痰癰寒熱子和擴充之以湧一切管湧證者  
其力非他藥之所能抗衡也雖然天之生物不偶然

矣物各無無其用焉至如常山湧癰鹽湯湧喝枝子  
湧虛煩杜衡湧瘀血之類則味非有瓜蒂之苦力非  
有雄黃之猛而其功皆微以邪賊亦小也今至其大  
賊者寧弱兵所能破耶非勇強力者將安能克李杲  
朱震亨乃曰瓜蒂性急能損胃氣以他藥代之擅用  
藜蘆湧風痲乃瓜蒂一為遊物夫風痲為疾所謂巨  
邪大毒鬱之固者也何藜蘆能達之為藜蘆較瓜蒂  
其力之強柔其味之厚薄不啻霄壤矣夫味薄力亦  
劣味濃力亦雄屬以其宜痲數歷驗之其湧果不過  
數合何及瓜蒂之極苦一撮上舌喉嚨輒乾一劑下



咽胸膈即懊懣迺湧膠痰升斗之剛悍也縱令誠其  
宜風非藉瓜蒂之力安能勝其任矣哉寇宗奭曰瓜  
蒂吐涎甚不損人可謂能試者也若謂性急損胃即  
諸湧藥皆宜加慎何獨瓜蒂為然此則非不知而舍  
之蓋憚其嚴就其緩耳非唯醫藥之然於其取人亦  
有似焉矣俗醫者曰藜蘆味辛以為所宜風愈誣愈  
惑是以風痲弗起亦尚矣古者不為拘執於五味之  
與風寒但小鬱以藜蘆大鬱以瓜蒂華佗療傷寒瀼  
曰至四日邪在胸宜藜蘆丸微吐則愈若更困藜蘆  
丸不能吐者服小豆瓜蒂散是由鬱之輕重而道耳

其不關乎味之勝復亦足以發矣蓋求瓜蒂難得極  
苦者藤氏故里獨有田二頃出其神品蓋同氣相應  
者哉夫湧藥不一而瓜蒂為元帥非特賴此物安能  
斬乎盲膏之賊乎故別為立言特甄此爾

擇日

湧者欲極得快吐故擇時日之陽從而下藥取誼其  
易外發也成無己曰春時陽氣在上邪氣亦在上故  
宜吐蓋似未盡張仲景曰大瀉春宜吐今演衍之凡  
時宜春夏日宜上癸干宜甲乙丙丁刺宜卯後辰前  
此第定律之概耳勿拘執於斯受刺舟之笑矣故如

卒病急證管湧證者若不速湧則卒奄忽雖悔不及  
豈須時日邪

服藥

湧諸宿病當待邪之安靜氣象如平人而後下藥若  
方其熾盛不惟無益恐生他變內經曰其盛可待其  
衰而已是之謂也其瀦先湧時一夜與食溫粥令滿  
意饜飲安卧於閑室以詰旦日出先四下憚幌勿使  
風寒透室中設炭火兩盆要使和氣頗氤氳暑熱不  
須設火而令病家服藥靜息安卧二食頃所慎勿令  
轉側轉側便輒吐頃之覺心中懣悶懊懷將吐強寬

且急忍若早湧出則不徒困倦劑固不遲達其竅肯  
雖吐而益益於疾乃方其欲已不能已臨其喉嚨使  
病家起而蹲坐一人向前支額一人從後擁而強按  
心下而病者自以鵝翎若指刺擿喉中即得快吐則  
復合偃卧定息頃尋更吐若藥力過時欲吐未能吐  
心中微悶者有與砂糖瀦今不用之乃令蠶爾蠕動  
頻與沸湯令其強飲則復更吐且吐且湯大抵一朝  
湧五六回乃覺心中洒然是為藥力盡也於是卻湯  
勿與夫湧劑隨湧性力稍衰得熱則激更盛也猶芳  
蘭被酒再馨也湧畢安卧至日晡所乃與冷粥一杯

以和胃中而後隨證與藥除其餘孽則宿病悉辟矣  
 或有瀉如此而不出者是乃病重劑輕故也投藜葉  
 溫湯一小合乘其微悶連進沸湯則必吐吐而不快  
 者更下小半之劑未嘗不快吐也或有湧微邪未盡  
 者俟後數日若一月更湧如前瀉九下湧劑三五回  
 未嘗不快復者老弱虛家以半減劑間日湧一二回  
 邪盡為度止後服如卒病輕證則從其緩急須斟酌  
 為其人當湧而湧則雖令屢大湧之而無殞也破其  
 壁壘而止張仲景曰凡用吐湯中病即止不必盡劑  
 也湧後往往有發渴者勿敢疑怖宜冰雪新水瓜梨

柿檣等物皆所不忌但湧後百日內若油膩高粱乾  
 硬難化之物及媚道悲憂切禁勿犯若犯禁再復者  
 比比至不可救藥豈可不慎哉

湧變

病家服湧劑當將吐之際若得一吐之後有忽憤悶  
 惛迷煩躁不省事決勿疑且懼乃藥行而毒也書云  
 若藥不瞑眩厥疾弗瘳久之若弗醒者以冰雪新水  
 灌面或漱口一下咽必復大抵吐藥得熱則激遇冷  
 則衰或有湧之不出反悶亂狼狽者復更下小半之  
 劑扶持如瀉則吐若仍弗吐者令人卑之伏卧於冷

室高處倒垂其頭以指刺喉斯須乃吐或有湧之不  
出反大下走者亦頗除鬱迺眠餘鬱之存否再下小  
半之劑以搗必吐或有下湧劑終朝吐不止以麝香  
湯止之至於夜分猶未定再止之凡瓜苗臭麝即死  
若藜蘆吐者不止以葱湯解之諸石劑吐者不止以  
甘艸貫衆湯解之一切艸木吐者可以麝香湯解之  
也吐後有頓快者有徐快者反有憊悶者憊悶者為  
鬱未盡也復宜湧劑若腹脹滿若發熱者並皆宜承  
氣之類利之則愈大抵吐後三二日若十日兩莫未  
快者也

戒湧

諸湧證有可湧有不可湧先折其不可湧則可湧者  
自明也張子和曰性行剛暴好喜怒之人不可吐左  
右多嘈雜之言不可吐病人頗讀醫書實非深解者  
不可吐主病者不能辨邪正之說不可吐病人無正  
性妄言妄從反覆不定者不可吐病勢巖危老弱氣  
衰者不可吐自吐不止亡陽血虛者不可吐諸失血  
家不可吐吐則轉生他病寢成不救反起謗端雖懇  
切求慎勿強從恐有一失愈令後世不信此濫以小  
不善累大善也必標本相得彼此相信能知此理不

聽浮言審明邪之所在，決可吐者，然後吐之。子和之言已悉之矣。無一喙可以容其間，非親經涉者，豈其至乎此千金方曰：脈微者不可吐，是醫之大禁也。是舉其梗概也。有其人天性脈微，有邪塞脈路，而然善察其形體，審其證狀，參彼伍此，而可吐者吐，勿敢拘泥。焉。張仲景湧中暈，有白脈微弱者，以瓜蒂湯亦足以證也。醫餘錄曰：中風驚風不可吐，若吐出涎久枯人手足，夫津液生生者，除則復生，豈有枯了之理。宜哉。中風驚風，後世不能瘳，其所據內經曰：諸風掉眩皆屬于肝。又曰：肝為木。又曰：木鬱達之。彼謂其不可

吐何也。朱震亨曰：病後產後尤宜深戒吐。夫至有其證，何論產前後。况病後乎。內經曰：婦人重身毒之有故無殞，是之謂也。

證治

人身之鬱之謂疾病，從於其所由而處而異證。耳白疾之多，獨其為鬱一也。其處上者吐而宜之，處下者下而通之。處皮膚者汗而發之，者治之大癮也。能眠其所由明其所處者，證之所射與方之所映，其光不遷者而下劑耳。然猶浮雲蔽明，難眠者證易過者治深思審求，非博以先軌約以已意而後臨病安能得。

其理乎苟無以衣食有媮焉夫治之為要唯達鬱而  
已古今湧劑不一而多涉蕪穢今撰所試效者纒載  
十數方證治稱此其未試者雖目睫者一切卻之審  
核古瀆務隨其簡簡則易行易行則精管子曰事不  
廣於理者其成如神我非以此盡吐家之事蓋存十  
一於千百而已矣

痰飲之病胸脇痛煩懣不能食身體重短氣而渴多  
唾好眠剝則脇下痛引缺盆咳嗽轉甚倚息不得卧  
其脉沈滑若微者謂之留飲方其安靜時當吐之消  
息如瀼宜四物瓜蒂散

四物瓜蒂散方

瓜蒂一錢赤小豆一錢人葎五分甘州五分

右各別搗羅為末分三分二分曰大半之劑一分  
曰小半之劑先取藜蘆一錢黑豆豉五分以水三  
合二勺煮取二合六勺以一合三勺攪大半之劑  
乘熱頓服盡得快吐者止後服若不得快吐便取  
小半之劑復調藜蘆豉一合三勺之湯更頓服之  
老少虛家隨其緩急用一錢或二錢藤氏曰老少  
不勝瓜蒂之毒者代以一物杜衡散每且房之邪  
盡為度今用肘後方中杜衡等三味者方見下項

和則子

病人腹滿面足皆腫口吐涎沫狀如膠黏腥臭甚而喘促食減者病屬飲家瀉當吐之宜四物瓜蒂散子則和

胸上結痰實令人心腹飲滿寒冷心悶頭眩目暗常欲嘔吐吐之則愈四物瓜蒂散主之則思邈

痰飲咳嗽咳則氣動於痰上搏咽喉之間痰氣相擊隨咳動息呀呷有聲謂之呷咳胸中多飲之所致俟其間吐之則愈宜四物瓜蒂散孫思邈以薰湧瀉蓋近迂怪則宮泰

孫思邈曰久咳為水咳而時發熱脉在九菽者非虛也此為胸中寒實之所致瀉當吐之咳家其脉弦欲行吐藥當相人彊弱無熱則可吐耳宜四物瓜蒂散杜蘅散亦主之當吐膿血則愈若初嗽膿血皮膚有熱者下劑之前日與冰雪西川等物令嚙而湧之勞嗽同瀉外臺許明以榆皮探吐蓋亦兒戲耳則子和病人素盛今瘦若素瘦今盛下利數年衆療弗瘳病屬飲家宜四物瓜蒂散其人脉微小沈而有力者治浮洪大者不治則子和

大便秘者此為水溢皮肉若病者決策不速以瓜蒂  
湧乃生痲痿偏枯喘嗽水氣脚氣心疼頭重目暗及  
無故奄然暴死等之患雖悔不及也寧有生者不前  
圖焉

遠幸喘促發則上氣喘逆喉中如曳鋸倚息不得卧  
呼吸欲絕心中痛引脇下渴而自汗脉浮者宜麻黃  
杏仁甘草石膏湯方見傷寒論俟其安靜當湧之宜四物  
瓜蒂散吐如烱膠若衄血則瘳夫喘促鬱甚非數下  
劑何能破其堅則醫說

湧水之病面黃而喘兩脚皆腫按之陷而復起行則

濯濯有聲常欲飲水不能睡卧或嘔酸水不能食十

餘季病屬飲家四物瓜蒂散主之則子和下並同

咽中如物塞食飲不能下中德拒痛名為痰膈以四

物瓜蒂散取上膈以紫丸方見千金寫下膈則差

旋暈頭痛搖搖如坐舟手足時痺胃脘脘痛心腹懣

悶按之如水聲此為寒飲結胸中宜四物瓜蒂散

咽中噎塞嗜食而不得食適食則吐其證心中時痛

大便秘鞭精神不全憊宜四物瓜蒂散倍加薤葉連

進湧之湧畢更宜紫丸下過之其脉沈緊為蟲供大

為積飲要無過此則此矩矱以療之必十全八九者



隋巢元方以來則繁病名為務分名十膈五噎極奧其事是以人眩其多趣識無卓異治闕良瀆民俗病之者一期以死躋壽君子孰不憖焉則華佗

頭目瘡腫瘰癧及胸臆臑脇間有瘡痂腫核不消膿水不止或受熱痛不可忍宜四物瓜蒂散若鹽湯見

下項則子和

胸膈不利口流涎沫自言咽下常有聲如雷腰痛辜心每至發昏氣絕徐文伯以香油灌之而出雪白蟲中有白髮病名曰髮癩甄立言以雄黃煑之或肌瘦骨立唯好食米闕之則口中清水出情似憂思得米

頓如常謂之米癩僧道廣以雞屎白米各半合共炒為末調水一中盞頓服吐出如米形或胸中煩懣面赤不食欲為內疽華元化與湧劑一升吐三升許蟲便愈今並用於四物瓜蒂散內去人蔘加芫花七分亦良則子和

疥瘡內攻變成腫脹喘不能食先以四物瓜蒂散吐而後以十棗湯方見傷寒論若三花神祐丸方見宜以驅

餘孽則愈則子和

張仲景曰病胸上諸實胸中鬱鬱而痛不能食欲使按之而反有涎唾下利日十餘行其脉反遲寸口脉

微滑此可吐之吐之利則止內經曰下利脉遲而滑者內實也瓜蒂散主之

張仲景瓜蒂散方

瓜蒂七分四釐強 赤小豆七分四釐強

右二味各別搗篩為散已合治之取一錢匕用香豉三十八粒以熱湯七勺二撮餘煮作稀糜去滓取汁和散頓服之不吐者少少加得快吐乃止

張仲景曰病如桂枝證頭不痛項不彊寸脉微浮胸中痞鞭氣上衝咽啞不得息者此為胸有寒也當吐之孫思邈曰氣浮上部填滿塞心胸胸中懣者吐之

則愈宜瓜蒂散若嘔者不可與瓜蒂散

張仲景曰病人手足厥冷脉乍緊者邪結在胸中心中滿而煩饑不能食者病在胸中當須吐之宜瓜蒂散

扁鵲曰上部有脉下部無脉其人當吐不吐者死李杲曰此為宿食結實胸中張仲景曰宿食在上脘當吐之其脉緊如轉索無常者宜瓜蒂散其證心中如有所物妨悶饑不能食彭彭微熱嗇嗇惡寒四末時厥或如癰證者是也

傷寒胸中痞塞若惡欲吐者宜瓜蒂散破棺散亦主

之方見下項  
則外臺

傷寒七八日發黃有班潮熱腹滿者雖以承氣湯見  
論傷寒下過之黃仍不退寸口脈浮滑者為病在胸中

宜瓜蒂散若結胸脈沈緊者此為瘀血在胸中宜杜  
蘅散方見吐衄血則愈則仲景雅川

孫思邈曰人無漸忽然振寒發黃皮膚黃麴塵出小  
便赤少大便時閉氣力無異食飲不妨已服諸藥餘  
熱不除久黃者當湧之宜瓜蒂加苦參散湧畢當以  
藥皮大黃等下之則愈 則思邈

瓜蒂加苦參散方

於仲景瓜蒂散內更加苦參一錢二分餘如瓜蒂

丸

孫思邈曰凡酒疸其脈浮者先吐之沈弦者先下之

夫人病酒疸者或無熱靖言了了腹滿欲吐嘔者宜

吐之瓜蒂加苦參散主之 則思邈

黃疸遍身浮腫面色如金困乏無力不思飲餌但喜

食生物泥煤之屬宜四物瓜蒂散若喜鹽與焦物者

宜茶調散方見下項

黃疸善食而瘦四肢不舉面黃無力宜瓜蒂散則外

急黃心下堅鞭渴欲得水氣息喘麓眼黃者宜瓜蒂

散九黃家與瓜蒂散但有一俟相當即須服之不必  
悉具則外臺

黑疸身體及大便正黑色宜瓜蒂散則外臺

諸黃濕家頭痛寒熱以瓜蒂末豆許嚙入鼻中口含  
冷水流取黃水輕則半日重則一日乃愈亦湧瀉之  
一端也則朱肱

張仲景曰中暈身熱疼重而脉微弱此以夏月傷冷  
水水行皮中之所致也宜獨聖散若煩躁心腹堅滿  
或絕而不省宜鹽湯則外臺

張子和獨聖散方

瓜蒂不以多少

右一味研篩為末每服一錢或二錢調蓬葉湯頓  
服

病人面黃身熱肌瘦往來寒熱如瘧狀涎嗽不止或  
喘滿面浮劇則吐膿血名曰肺痿宜獨聖散則子和  
病人下利不止醫因與峻熱之劑水氣不行水溢皮  
膚身體不腫面黃腹大小便不利者宜獨聖散  
上喘中滿醉心腹脹漉漉有聲否氣上下不能宣暢  
宜獨聖散

勞嗽咯血口吐濁唾粘臭不可聞日晡形寒熱往來

狀如瘡瘻，寢汗如水，病屬飲家，宜獨聖散。

一切涎嗽，頭痛目赤，經季不瘳，心中積熱，頭目不清，涕唾稠粘，或上氣喘息，時潮熱者，當吐之，宜獨聖散。若四物瓜蒂散。

飲家飲酒踰節，左脇下悶，漸痛結硬，脈沈實而有力者，可吐，宜獨聖散。

痲之為病，手足彈曳，口眼喎斜，失音憒悶，不省人事，宜藜蘆瓜蒂散。若牙關不開，用鹽梅搯齒，口開即灌藥。若昏昏如醉狀，四支不收，微有涎出，宜稀涎散。斯須不治，便至不可救，則肘後方。

藜蘆瓜蒂散方

瓜蒂 四錢

藜蘆 一錢

去蘆頭濃煎防風湯，溶過焙乾，碎切炒微褐色。

右二味各別搗篩為細末，每服約二錢，取藜蘆一

錢，以水一合五勺，煮取一合二分，去滓取汁，攪藥

末，徐服，以吐為度，不必盡劑。若雖吐未復，更服如

前，麩則稚川子和。

稀涎散方

猪牙皂角 二錢

礬石 一錢

右二味搗篩為細末，每用半錢至一二錢，溫水調下，令涎稀出至一二外，精神復而止，則肘後

癩癩之病視水火輒發倒仆吐白沫不省人事至其甚者怒喜無恒煩躁悶亂如狂狀者是也內經曰癩疾者陽盡在上瀆當瀆之宜藜蘆瓜蒂散我藤良筑則用四物瓜蒂散蓋亦得効湧畢以下劑下過辟其餘殃則愈瀆曰癩癩一月四五發易治一月一發次之一歲一發難治張子和曰癩疾不至於目眩如愚者愈既至於目眩愚者不可愈則子和

張子和曰風搖病目眩角弓反張發則手足顛掉不能持物數日不食食則令人代哺口眼張腠唇舌嚼爛抖擻之狀如線引傀儡夜卧發熱衣被盡去遍身

燥焯中熱而反外寒胸中有留飲之所致也瀆當吐之藜蘆瓜蒂散主之

卒頭痛如破非中冷又非中風往來寒熱是胸膈中痰實飲氣上衝之所致名為飲頭痛瀆當吐之宜茶實散若心腹堅滿宜鹽湯則外臺

茶實散方

茶實一味磨末二錢攪溫湯一合半頓服須臾適吐不吐更服如前適吐畢又服能如此數過剝者須吐苦汁乃止發渴則瘥則思邈鶴臯冷熱膈痰發時頭痛悶亂欲吐不得者宜茶調散吐

輕者宜葱白豉湯則思邈

茶調散方

瓜蒂 二錢 茶實 二錢

右二味搗篩為末每服二錢以薑葉湯一合二勺調下則子和

葱白豉湯方

葱白莖十四 黑豆豉三十粒

右二味以水二合先煮糜豆豉去滓內葱白煮取一合半頓服不吐更服以得吐為度則外臺

痰厥之病發必頭痛痛則擊數百拳出黃綠涎一兩

蓋已比率發益頻目見黑花發則昏不知人三四日

方省瀆當吐之宜茶調散四物瓜蒂散亦主之則子和

張子和曰口中氣出臭如發廁者宜茶調散吐之

茶癖之疾在胸中若脇下寒熱不作形狀不見雖疾

十季不勞一月其脉沈細為有癖宜茶調散若飲茶

心腹輒痛至昏不知人者宜四物瓜蒂散則子和

大風熱毒熾盛眉髮皆落者先宜藜蘆瓜蒂散吐之

然後隨證汗下之重者不劇輕者即愈

張仲景曰發汗吐下後虛煩不得眠胸中窒若結痛

劇則必反覆顛倒心中懊懣枝子豉湯主之他證不

具載詳見傷寒論

枝子豉湯方

枝子十四 香豆豉四勺

右二味以水三合七勺二撮先煮枝子得二合三勺二撮內豉者取一合三勺九撮去滓分為二服溫進一服得吐者止後服若少氣者加甘艸六錢弱若嘔者加生薑十五錢弱若腹滿者加厚朴十二錢弱凡用枝子豉湯病人舊微瘡者不可與之心腹俱脹痛氣逆搶心短氣欲死或已絕者宜枝子豉湯若脉緊弦若微而內實者宜備急瀉方見金匱則華佗葛

洪

張仲景曰貪食食多不消心腹堅滿疼痛宜鹽湯

鹽湯方

鹽一合水三合先以藥鍋上火使熱氣通徹以鹽抹鍋內乘熱投水煮一二沸銳意頓服得吐為度若不吐者擦喉必出若無暈火以造湯仍須用水鹽亦佳則仲景

暴得痿病腰股兩足皆不任臂而不行脉滑而有汗先宜鹽湯吐之而後朮烏逐水則子和

胸痺卒心痛如錐鍼刺色蒼如死灰狀不得大息若



心腹絞痛冷汗出脈沉欲  
絕俗謂之絞腸沙今考  
此證乃名乳霍亂右用  
鹽羊盤以熱湯數盤  
蓋令患人飲盡後却以雞  
羽掃咽喉間即時吐亦飲  
鹽湯出盡其証即愈

心腹中痛發作腫脹往來上下痛有休止多熱喜涎  
出回回欲吐蟲宜破棺散方見若鹽湯名醫錄中用  
生韭汁未如此良則推川思邈

霍亂心腹脹堅苦絞痛不止煩躁瘡悶未吐下欲吐  
者宜鹽湯則外臺

孫思邈曰鬼擊之病得之無漸卒著如刀刺狀胸脇  
腹內絞急切痛不可仰按或即吐血或下血或鼻中  
出血一名鬼排治之灸鼻下人中一壯立愈不愈可  
吐數或宜鹽湯

喜笑不止者當以鹽湯湧之內經曰神有餘者笑不

休則子和  
下同

兩目暴赤疼痛不止宜鹽湯水須以長流瓜蒂散亦  
主之

天行熱毒胸上急弦手不得張渴引水飲劇者喘而  
將死宜破棺散

破棺散方

苦參三錢剉末以酒二合煮取一合盡服之吐  
則除諸毒病則葛洪

卒中惡心腹絞刺痛氣急脹奄奄欲死或中諸鳥獸  
毒心中煩悶支體發紫班色殆乎死者宜雄黃瓜蒂

散一物雄黃散亦主之雄黃一錢研為細末調水下  
是也則外臺下同

雄黃瓜蒂散方

雄黃錢十二赤小豆三錢瓜蒂三錢

右三味搗篩為散每服一錢半以蠶葉湯調下不  
吐加至兩錢

凡中藥毒及一切諸毒從酒得者難治解諸食毒爛  
爵甘州燕之則毒自吐出輕者宜此方劇者宜雄黃  
散則醫說

葛洪曰大熱行極及食熱物竟飲冷水過多不消停

滯在胸不利上氣喘逆者宜杜蘅瓜蒂散劇者宜備  
急圓得吐下而愈

杜蘅瓜蒂散方

杜蘅五分瓜蒂三分人葠二分

右三味搗篩為散平且空腹以熱湯服一錢當吐  
痰水惡汁一二升撮養如瓜蒂散灑若水飲未盡  
每且湧之或停三日更進一服孫思邈云杜蘅主  
吐百病此方初出肘後稱量服度今則外臺

凡吐血後心中不悶者必止假令煩躁悶亂顛倒如  
狂狀刺痛苦懣者尚有瘀血在心灑當吐之宜杜蘅

明周文米匡方選要曰大抵瘧脈皆弦若弦而數者多熱弦而遲者多寒弦而緊者宜下弦而遲者宜溫弦而浮大者宜吐云

瓜蒂散則思邈

諸瘧不問寒熱發作六七次發汗過寒熱仍在者為鬱在胸中而不辟宜常山湯湧之則外臺下同

常山湯方

常山二錢

右一味剉以藜蘆湯三合浸經一宿煮取一合欲發前時許頓服得吐則差

一方

常山二錢 甘州一錢 豆豉三粒

右三味剉以水五合煮取二合分再服得快吐則

止後服凡服常山湯若弗吐者常山一味為散取二錢調香豉湯一合二勺發日平且頓服必吐夫瘧寒之疾湧證不一不遑枚舉今載其概耳學者其詳之

痰涎壅盛咽喉腫痛水漿不下名曰喉痺不速治殺入宜礬石散

礬石散方

礬石二錢 石膽二錢 白疆蠶五錢

右三味搗末為散每用一錢以管吹患處腫破吐涎而愈則嚴用和

小兒初生洗浴斷臍竟襁抱畢當須甘州黃連湯湧  
心中惡汁若得湧惡汁令兒知慧無病也則千金  
甘州黃連湯方

甘州二錢黃連二錢

右二味切為釐末每用八分以水三勺煮取一勺  
半以縑裏綿如乳頭沾取與兒吮之連吮計得二  
蜆殼入腹止當得快吐若不得吐可消息計如饑  
渴須更與之若此不吐者但稍稍與之令盡一  
勺半止飲一勺半盡都不吐者是不含惡血耳勿  
復與之千金方獨用甘州湯名醫錄用生韭汁此

方全勝乎此

小兒壯熱發驚痰涎壅盛竄視反張搐搦顫動頰赤  
脣紅劇則牙關緊急口中氣熱殆乎將死脉浮洪數  
名曰陽癇用稀涎散以管吹喉中吐痰涎許多則復  
若已絕牙關不開急吹鼻中以令嚏得吐則蘇然後  
眠證治之若緩者可用稀涎散調猪心湯下之亦佳

和則子

凡魚肉瓜果湯茶皆可挑毒才覺中毒先吮白礬味  
甘而不澀次嚼生豆不腥者是也其證胸膈稍痛明  
日漸加攪刺滿十日則物生能動騰上則胸痛沈下

則腹痛積以瘦悴毒在胸上則當湧之宜茶實加白  
礬湯李晦之云白礬茶芽以冷水服治一切毒若毒  
在膈下即可瀉之以米飲下鬱金末二錢毒即瀉下  
茶實加白礬湯方

先作茶實散如瀝乘熱投白礬五分於中候礬  
消盡通口呷服良久不吐以雞翎搗即吐或用  
膽礬亦佳

凡人中砒毒唯單飲生油以吐為度則其毒自消不  
能為害或服冷水亦佳並則醫說

吐瀉編終

飭村者必待器械而成焉苟器械  
不備雖有心者亦美乎不能為之良  
矣吐汗下也者其醫之器械也哉  
然而吐法掛角者已尚矣古今醫學  
之茫然不得方者幾何疾家其  
證不得其治而不盡天命者幾何  
余自少時長憶于此而痛恨亦幾

何幸近聞 台園荻子者能傳至  
術就而學之則吐法編於其鄰庶  
中展而讀之若觸先哲之往結心誠  
破我心之志累歲積疑渙然冰解  
乃目其為疾比秦殊効矣夫吐法  
猶兵乎平日不用而一日不可廢者也  
是乃余所請 荻子公之海內以備

吾道之器械也今而注始可與謂醫  
之方備也其行与不行乃在其人若  
吐家無天橫之患何 荻子之志  
也

渡部淡謹跋



東隄富之書



寶曆十四甲申春

京二條柳馬場東<sub>江</sub>町  
林伊兵衛

